



Aki-Matilda Høegh-Dams tale ved Folketingets debat om rigsfællesskabet

Taler

Aki-Matilda Høegh-Dam
Medlem af Folketinget for
Siumut

Dato

12. maj 2023

Sted

Folketingets talerstol,
Christiansborg

Omstændigheder

Talen vakte opsigt, da Aki-Matilda Høegh-Dam insisterede på at tale grønlandsk fra Folketingets talerstol, også i sine svar på spørgsmål fra salen.

Rigsfællesskabsdebat
Oqallisigaarput
Rigsfælleskab-eqarmanngooq

Uffa Grundloven malillugu
Danmarks Kongerige
taamaallaat atuuttoq

Rigsfælleskab namminneq atsiussaat
Qanoq 'fælleskab'-eqartiginerpoq

Selvstyreloven oqarpoq
Tassa, Lov om Grønlands Selvstyre

Folketinget inatsinngortippaa
Maani Folketinget iluani

Officielt sprog, pisortaatigoortumik oqaaseq
Akuerisaat
Det grønlandske sprog, tassa kalaallisut oqaatsivut

Det Grønlandske Sprog
Oqaatsivut pisortatigoorput

Taamaammat
Oqaatsikka atorlugit
oqalugiaatiga ingerlatissavara

Inuiaqatigut sinnerlugit

Uppernarsarlugu Rigsfælleskab
Taamaallaat Danmarkip pisariaqartileraangamiuk
Atulertaraa

Taamaammat siornatiguulli oqartarpunga
Aamma ullumi oqaqqissaanga
Rigsfællesskab piviusuunngilaq

Aatsaat Naalagaaffinngornikkut
Naalagaaffeqatigiinneq pisinnaangussaaq

Tassa taanna danskisut taasartagaat 'føderalisme'
Aatsaat pinngorpat.

Naalagaaffeqatigiinnertut, Rigsfællesskabertut, suli eqqartorneqartartorli
føderalismiunngilaq
Maannakkut politikikkut atugarput
Inuiaqatitsinnik
Inatsisiliornermik
Aqutseriaatsimillu ingerlatseriaaseq
Ulloq manna tikillugu
Suli
Nunasiaateqarnermit ilusilersugaavoq

Ukiuni kingullerni annerusumik saqqummeqattaalerput
Eqqunngitsuliorfigineqartarnerput
Danmarkip inuiatsinnut isertuussimasai
Qaffakaalertut
Inuiaattut nungusagaanerit
Inatsisitigut naqisimaneqarnerit
Sipaarniarfigiinnarluta inuit pisinnaatitaaffiinik unioqqutitsinerit

Maani inersuarmi, uaneqqissaaq oqalugiarfigisanni
Statsministeriusimasoq oqarnikuuvoq
”Kalaallinik ikilisaasimaneq iluatsimmat
Aningaasanik sipaarnertik nuannaarutigalugu”

Inunnik naleqartitsineq naak?

Pissusitoqqat
Sianiinaartinnerit
Sapernerartinneqarnerit
Ullutsinnut tulluanngilluinnarput
Nalunagu
Akeratuisut pissutsinut akisussaaqataasut
Akisussaaffianik naqissusiisuarnissaq pisariaqartoq

Malugaajuk?
Maanna Nunarput alloriaqqilerpoq
Allanngulertup mumisitsinerup anoraa
Sakkortuisartorpoq
Nunasiaataasimasut inuisa kinguaavi ilimmaqqipput
Tunuarsimaaratik oqaaseqartalerput, nipilersuusiortalerput
Kinaasusertik,
Kinaassuserput kannguginagu,
nukinngortillugu nipituumik atoqqittalerparput

Nipaatumik inooqataaneq
Nunarsuarmi nipittoriartuinnartut akornanni
Atorsinnaanngilaq

Nunaqartut
Oqartussaasuusugut
Paasilerparput oqaatsitta pissaanerat
Oqaasissattalu naleqassusaat
Allanngueqataasinnaanerat
Oqartussaassuserput tunuarsimaarata atorniarparput
Avataaneersunik aqunneqarata

Kalaaliusugut immitsinnut uparuarsinnaasaqaagut aamma aap
Nunani nunasiaataasimasuni tamanna takornartaanngilaq
Taamaattorli upperilluinnarpara aamma nukittuffigut eqqaamasarnissaat
pingaaruteqarluinnartoq
Aqqusaakkagummi imaannaasimanngikkaluaqisut
Taamak nukittutigisunik, naleqqussallaqqitigisunik,
tunniutiinnajuissinnaatigisunillu nassaariaannaasoqarneq ajorpoq
Uppernarsaataa aana:
Suli tamaaniippugut
Kalaallisut oqaatsivut atorpavut
Nipangersimanngilagut

Takkutilerpoq
Saperata isumaqalersimavugut
Alloriaqqinnissaq tullinnguutilerpoq
Tunuarsimaarnata, saperata, siunissarput sinaakusersussavarput
Allangortissavarput politikikkut atuuttoq

Naalagaaffik
Kalaalliniit
Kalaallinut

Kilde

Manuskript tilsendt af taler

Kildetype

Digitalt manuskript

Tags

Folketingstale, Modtager af Årets Danske Tale, Politisk tale

Relateret

Aki-Matilda Høegh-Dams tale ved modtagelsen af Årets Danske Tale
7. november 2023

URI

<https://www.dansketaler.dk/tale/aki-matilda-hoegh-dams-folketingstale-ved-debat-om-rigsfaelleskabet>